

Broj:01- 02/2-4038/23 SK
Sarajevo, 16.01.2024. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM PARLAMENTA FBiH
n/r gđin. Ivan Miličević, sekretar
n/r gđa. Alma Kratina, poslanik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 17-01-2024			
Org. jed.	Broj	Priloga	Vrijednost
05/1	-02-	575	/23

VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

PREDMET: Poslaničko pitanje, dostavlja se-

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-575/23 od 27.12.2023. godine i akt sekretara Vlade Federacije Bosne i Hercegovine, broj: 03-04-1540-30/23 od 28.12.2023. godine

Poštovani,

U vezi sa poslaničkim pitanjem, koje je postavila gđa. Alma Kratina, poslanik u Predstavničkom domu Parlamenta Federacije Bosne i Hercegovine, na nastavku 4. redovne sjednice Predstavničkog doma Parlamenta Federacije Bosne i Hercegovine, održanom 21.12.2023. godine, koje se odnosi na ostvarivanje statusa roditelja-njegovatelja, odnosno: „...pošto je uvaženi ministar nama rekao ranije da su riješeni uglavnom svi skoro predmeti vezani za ostvarivanje statusa roditelj –njegovatelj i u tom odgovoru je bilo ostalo da je nekih 32 ili 6 ostalo neriješeno, pa ću zamoliti ministra da nam da odgovor još oko tih predmeta jer znamo da su jako bitni porodicama, da li je i to u međuvremenu završeno?“ dajemo sljedeći odgovor:

Vezano za implementaciju Zakona o roditeljima njegovateljima u Federaciji Bosne i Hercegovine, informišemo Vas da je Federalno ministarstvo rada i socijalne politike reviziju predmeta roditelj–njegovatelj, s kojom je kasnilo, okončalo i da se sada revizija vrši kontinuirano, onako kako predmeti pristižu od strane centara za socijalni rad/službi socijalne zaštite. Stranke više ne čekaju na reviziju, kao što je to bio slučaj ranije. Od početka implementacije Zakona na reviziju je dostavljeno oko 1700 predmeta koji su obrađeni. U decembru mjesecu 2023. godine status roditelja njegovatelja ostvarilo je ukupno 1470 lica.

Dalje, drugo poslaničko pitanje je bilo na koji način Federalno ministarstvo rada i socijalne politike misli osnažiti saradnju sa kantonima kada je u pitanju socijalni sistem, te šta se misli poduzeti vezano za podršku djeci žrtvama nasilja?

U vezi sa navedenim pitanjem, informišemo Vas da je Rješenjem federalnog ministra rada i socijalne politike od 25.10.2022. imenovano Koordinacijsko tijelo za oblast socijalne i dječije zaštite za potrebe praćenja propisa iz oblasti socijalne zaštite i

zaštite porodica s djecom, u koje su imenovani predstavnici Federalnog ministarstva rada i socijalne politike i predstavnici svih kantonalnih ministarstava. Navedeno tijelo održava sjednice na kojima raspravlja o svim značajnim temama iz oblasti socijalne i dječije zaštite koje mogu predložiti bilo koji članovi koordinacijskog tijela. Između ostalog, navedeno tijelo ima mandat za planiranje, provedbu i praćenje procesa reforme u predmetnoj oblasti kroz javne politike, strategije i akcijske planove Federalnog ministarstva i kantonalnih ministarstava, kao i za koordinaciju vladinog i nevladinog sektora u implementaciji politika iz ove oblasti. Također, u augustu 2023. godine oformljeno je tijelo Ministarske koordinacije u oblasti socijalne politike u FBiH čiji je zadatak da razmjenom mišljenja i ideja o strateški važnim pravicima u oblasti socijalne zaštite, polja zajedničkih djelovanja, slabostima sistema socijalne zaštite i nizom drugih tema održava kontinuirane sastanke, s ciljem jačanja sektora socijalne podrške i zaštite, kao i ujednačavanja socijalnih usluga na području čitave Federacije Bosne i Hercegovine. Ministarsku koordinaciju za oblast socijalne politike kao radno tijelo, na prijedlog Federalnog ministarstva rada i socijalne politike, imenovala je Vlada Federacije Bosne i Hercegovine, a čine je kantonalni ministri iz oblasti socijalne politike svih deset kantona, po jedan član iz svakog resornog ministarstva i federalni ministar rada i socijalne politike. Formiranjem Koordinacionog tijela i Ministarske koordinacije doprinijet će se efikasnijoj saradnji između Federacije i kantona, a što u konačnici treba rezultirati kvalitetnijim uslugama korisnika dječije i socijalne zaštite. Zakonom o socijalnim uslugama koji je trenutno u pripremi su kao korisnici socijalnih usluga prepoznata djeca žrtve porodičnog, vršnjačkog ili drugog nasilja, kao i usluge podrške odnosno modaliteti socijalnog zbrinjavanja i socijalne podrške, što treba doprinijeti u konačnici zaštiti prava osjetljivih kategorija društva u stanju socijalne potrebe i poboljšanja kvalitete usluga koje mogu dobiti.

U oktobru 2023. godine Vlada Federacije Bosne i Hercegovine, na prijedlog Federalnog ministarstva rada i socijalne politike imenovala je Vijeće za djecu Federacije BiH koje će postupati u skladu s Uredbom o osnivanju Vijeća za djecu Federacije Bosne i Hercegovine („Službene novine Federacije Bosne i Hercegovine”, broj 37/23). U skladu s ovom Uredbom, Vijeće za djecu FBiH promoviše i štiti prava djeteta, prati primjene Konvencije o pravima djeteta i drugih međunarodnih akata na području FBiH koji se odnose na pitanja u pogledu zaštite i promoviranja prava djeteta, zatim daje preporuke i mišljenja nadležnim federalnim organima u postupku predlaganja i donošenja zakonskih i podzakonskih propisa u oblasti zaštite prava djeteta, inicira i aktivno sudjeluje u izradi i monitoringu strateških, planskih i akcionih dokumenata iz oblasti prava djeteta u Federaciji, te uspostavlja saradnju i koordinaciju između svih nositelja implementacije strateških dokumenata koji se odnose na osiguranje i zaštitu prava djeteta.

S poštovanjem,


MINISTAR
Adnan Delić

Dostavljeno:

- naslovu
- a/a